

Tang-hún É Tang sī Tang-thiⁿ ê Tang



Lah-jih

Pêng-iú! Lí bat chiáh kòe tang-hún--bô? Péh-péh iù-tiâu iù-tiâu ná mī-sòaⁿ, kim-kút kim-kút koh sió-khóa thang-kng thang-kng, kài-sêng bí-hún, chiáh--khí--lái khiū-khiū nûi-núi, kút--l--ē, thun-lóh âu, hit-chióng chu-bī thong lâng chai.

Nā kóng-tiōh tang-hún liāu-lí, tang-hún gô-bah, tang-hún ah-bah, á-sī tang-hún jiû-hî-keⁿ lóng hō lâng lâu chhùi-nōa. Iáu-ū tang-hún-thng, tang-hún-pau, lóng-sī hó thng-thâu ē-sái-tit chiáh kàu pá. Tñg-tiōh kôaⁿ-thiⁿ sî, chiáh hóe-ko, khng 1-ē tang-hún chò chhài-té, pau-niá lí ē chiáh kàu pak-tó moh teh it-tít so, pá-tong-tong koh bē ùi.

Lêng-gōa beh pò lín chit-chióng liāu-lí, "chhá-tang-hún". Bat chiáh--kòe ê lâng it-teng o-ló kàu tak chhùi-chih. Tí chia sün-sòa kà lín án-chóaⁿ chhá tang-hún. Chhá tang-hún, tiōh chham bah-si, hiuⁿ-kø, tong-hê, bök-jí, koh lâm 1-kóa chheⁿ-chhài, tâu-chhài á-sī ko-lê-chhài lóng-chóng hó. Beh chhá chìn-chêng, seng kā chiah-ê chham-liāu khiän-phang chhá-sèk, jiän-āu hē chit-sut-á chuí, chhá--khí--lái chiah bē siuⁿ ta pháiⁿ lóh-âu; sûi-āu chiah kā sé-hó ê tang-hún ka-ka chián-chián chò khah té-chat leh, khng lóh-khì tiáⁿ-lái sûi-sî iän-lō chhá, iän-lō lâng. Bián gōa-kú, phang-kòng-kòng, khiū-teh-teh ê chhá-tang-hún, í-keng ē-sái-tit chhôan kàu toh-téng, pó-chèng lí chiáh 1-óaⁿ liáu-āu beh koh té, nā-sī tñg-tiōh pak-tó tng-iau ê sî-chûn, sòa bē-kì-tit beh ngeh-chhài to ē oh.

Chiah-nih hó-chiáh ê tang-hún, án-chóaⁿ chè-chô ê, Lí kiám-chai? Tàu-té sī tang-thiⁿ ê tang-hún, á-sī Tiong-kok Soaⁿ-tang-lâng chò ê tang-hún? Chhiáⁿ lín ták-ê thiaⁿ góa kóng khòaⁿ-mái.

Tang-hún ê gôan-liāu sī lék-tâu. Lék-tâu tiōh seng chìm-chuí chìm hō nñg, chiah kā e hō iù, chhin-chhiūⁿ e tâu-leng án-ni. E-hó tiōh koh hiâⁿ hō kún, hiâⁿ-kún chû-sék liáu-āu chiah koh kòe-lí, kā tâu-phoh lí-tiâu, kā chuí-hun lí-ta, tiōh piⁿ-chiâⁿ chhiūⁿ chò âng-ku-kóe ê kóe-chhè án-ni. Sòa--lóh--khì kā lék-tâu-chhè iōng ki-khì thiu-si, tōa-tiâu sè-tiâu khòaⁿ sán-phín ê siat-kè. Thiu-si liáu-āu, tiōh 1-kóaⁿ 1-kóaⁿ kā théh-jip-khì léng-tòng-khò léng-tòng kàu lêng-hā 18°C. Tang-hún-chhiáng ê thâu-ke kóng, che tiōh-sī chò tang-hún kap chò mī-sòaⁿ, tâu-chhiam, tōa-mī bô-kâng ê só-châi. Bô keng-kòe léng-tòng ê kòe-thêng, tang-hún-si (tiâu) ê kiap-kiap chò-hóe, án-ni tiōh bô-chhái-kang. Só-i tang-hún-chhiáng ê si-siat kùi tî léng-tòng-khò ê khai-siau, léng-tòng kòe-thêng nā sün-sī, chò-chiâⁿ ê tang-hún chiah ê 1-tiâu 1-tiâu, 1-si 1-si.

Ùi léng-tòng-khò léng-tòng--chhut--lái ê tang-hún, chiah koh keng-kòe khan-sór, hang-ta, tiōh ē-sái-tit pau-chong chhut-hòe. Che sī chit-má ê ki-sút, kó-chá sî-tâi, tiōh bô chiah khòai-sok hong-piän.

Kòe-khì bô léng-tòng ki-sút, chò tang-hún tiōh khòaⁿ thiⁿ-khì. Tiong-kok tang-pak só-châi, thiⁿ-khì kôaⁿ-sih-sih, in tiōh-sī lí-iōng kôaⁿ-thiⁿ-sî kā tang-hún iōng peng-kak léng-tòng, thêng-hâu jit-thâu khah sio-lô chiah lâi phák tang-hún, mñ-kú in bô kóng tang-hún, in lóng kóng-chò hún-si. Áu--lái, ū Tiong-kok-lâng lâi kàu Lán Tai-ôan, tiōh-ū chit-

kóa Soaⁿ-tang lâng keng-êng hún-si kang-chhiáng, in tiòh kā sán-phín kiò-chò hún-si. Mā ū lâng kap Tân-ôan-lâng tàu-tīn chit-ē kú, sūn-èng Tân-ôan-lâng ê i-sù, kāng-khóan kóng-chò tang-hún.

Kór-chá tang-hún sī tang-thiⁿ chiah ū teh chò ê chiäh-mih, m̄-sī Soaⁿ-tang-lâng chò ê Soaⁿ Tang-hún. Sui-jiân chhī-bīn-siōng mā ū Soaⁿ-tang-pâi ê tang-hún, he sī phín-pâi miâ, m̄-thang gō-hōe gō-kái--khì. Bô-kāng ê só-chāi, bô-kāng ê bûn-hòa, tong-jiân ū bô-kāng ê hō-miâ hâm-ì, “kok-iú chhian-chhiu”. Tiong-kok-lâng hō ê miâ ū ngá-khì, Lán Tân-ôan-lâng hō ê miâ mā chin kah-bī.

Kóng kàu chia, sūn-sòa kóng Jit-pún-lâng ê tang-hún kiò sím-mih? “Halu same”, Hán-jī siá-chò “春雨”, tiòh-sī chhun-thiⁿ lōh-hō ê i-sù. Án-chóaⁿ kóng? Jit-pún-lâng chò tang-hún, kāng-khóan su-iàu tī kōaⁿ-thiⁿ iōng peng léng-tòng, tī chhun-thiⁿ thiⁿ-khì sio-lō ê sî, chiah kōaⁿ-kōaⁿ chhut-lâi phák jit-thâu. Chit-sî-kan, phák tang-hún ê tōa-tiâⁿ, tek-ko téng l-kōaⁿ l-kōaⁿ ê tang-hún si (tiâu), kài-sêng tī-teh lōh mñg-mñg-á hō, “chhun-ú, chhun-hō” chit-khóan kéng-tì, kiám m̄-sī chin ū si-jîn ê khì-chit!

Tang-hún? Hún-si? Á-sī chhun-ú? Kiám ū-lâng siūⁿ-tiòh Tân-ôan-lâng hō-miâ ê gôan-í? Tân-ôan-lâng ê khì-chit tī toeh? Tân-ôan-lâng beh ū khì-chit, it-tēng tiòh iōng Tân-ôan-lâng ê koan-tiám, iōng Tân-ôan-lâng ê òe-gí, chiah ē-tàng piáu-tát chhut Tân-ôan-lâng ê gôan-bī! Kóaⁿ-kín lâi óh Tân-gí-bûn, iōng ka-kī ê gôan-im, iōng ka-kī ê khùi-kháu, keng-kòe bûn-hák ê chhú-lí, kiàn-lip Tân-ôan-lâng ko-ngá ê phín-chit.

Kám-siā Chhân-tiong Thài-pin Khì-giáp Kong-si thâu-ke Gân--sian--seⁿ thê-kiong chè-chō tang-hún ê kòe-thêng kap Tân-ôan-lâng kā tang-hún hō-miâ ê iû-lâi, hō lán liáu-kái bô-kāng kok-tō ē sán-seng bô-kāng bûn-hòa ê lâi-hâm.